



SOALAN LAZIM BERKAITAN PERGERAKAN PULANG PELAJAR KE KOLEJ MARA & KOLEJ PROFESIONAL MARA BAGI URUSAN MENGAMBIL BARANGAN PERIBADI

1. Bilakah pelajar yang telah pulang ke rumah sebelum Perintah Kawalan Pergerakan (PKP) dilaksanakan boleh pulang ke Kolej MARA (KM) / Kolej Profesional MARA (KPM) untuk mengambil barang peribadi di asrama?

Pihak KM / KPM akan mengeluarkan surat makluman / memo serta menghubungi pelajar berkenaan dengan tarikh dan masa yang ditetapkan untuk membolehkan pelajar hadir ke kolej bagi urusan untuk mengambil barang peribadi di asrama.

2. Siapakah yang boleh datang ke KM / KPM untuk mengambil barang peribadi pelajar?

Pelajar HANYA boleh hadir dengan **seorang waris sahaja** (ibu ATAU bapa ATAU waris sahaja) bagi mengambil barang-barang peribadi pelajar di asrama.

3. Adakah terdapat waktu khusus yang ditetapkan bagi urusan mengambil barang peribadi pelajar?

Pelajar diperuntukkan waktu bermula 9:00 pagi sehingga 4:00 petang sahaja bagi mengambil barang-barang peribadi pelajar di asrama.

4. Sekiranya pelajar tidak sihat, bagaimanakah cara untuk mengambil barang peribadi pelajar yang masih ada di KM / KPM?

Hanya pelajar **yang sihat** perlu kembali semula ke kolej untuk mengambil barang. Pelajar yang tidak sihat seperti demam, batuk kering, kelesuan dan kesukaran pernafasan perlu memaklumkan kepada pihak kolej untuk mendapatkan tarikh baharu untuk mengambil barangan. Pelajar dinasihatkan untuk **tidak menggunakan kenderaan awam** bagi perjalanan kembali ke kolej.

Sekiranya pelajar terpaksa menggunakan kenderaan awam, sila pastikan semua langkah pencegahan wabak COVID-19 yang telah digariskan oleh Kementerian Kesihatan Malaysia (KKM) dipatuhi seperti memakai pelitup hidung dan mulut (*face mask*), menggunakan pembersih tangan (*hand sanitizer*) di sepanjang perjalanan serta mengamalkan penjarakan sosial ketika berada di tempat awam seperti stesen bas / stesen komuter / stesen keretapi / lapangan terbang.

5. Apakah peraturan yang perlu dipatuhi semasa pelajar dan waris hadir di kolej untuk mengambil barang peribadi pelajar?

i. Semua pelajar dan waris **WAJIB** memakai pelitup hidung dan mulut (*face mask*) dan menggunakan pembersih tangan (*hand sanitizer*) sebelum disaring tahap kesihatan dengan diambil suhu kesihatan oleh pengawal keselamatan di pintu masuk kolej. Hanya pelajar dan waris yang sihat sahaja dibenarkan untuk masuk ke kolej.

ii. Sekiranya terdapat ibu bapa atau ahli keluarga serumah dengan pelajar yang dikenalpasti sebagai pesakit positif yang masih mendapatkan rawatan, **ATAU** Individu Di Dalam Siasatan (*Person Under Investigation - PUI*) **ATAU** mempunyai Penyakit Seperti Influenza (*Influenza-Like-Illness - ILI*) / Jangkitan Pernafasan Akut Teruk (*Severe Acute Respiratory Infection - SARI*):

a. Pelajar **TIDAK DIBENARKAN** pulang ke kolej dan perlu diletakkan di bawah Perintah Pengawasan dan Pemerhatian (*Home Surveillance*) untuk memantau status kesihatan mereka secara pemantauan sendiri di tempat tinggal masing-masing **selama 14 hari** dengan diberikan surat Perintah Pengawasan dan Pemerhatian Bagi Kontak COVID-19 Di Bawah Seksyen 15 (1) Akta Pencegahan dan Pengawalan Penyakit Berjangkit 1988 (Akta 342) mengikut garis panduan yang dinyatakan oleh Kementerian Kesihatan Malaysia (KKM).

b. Pelajar perlu mendapatkan pengesahan surat Pelepasan Dari Menjalani Perintah Pengawasan dan Pemerhatian Di Rumah Kediaman Bagi Kontak Jangkitan COVID-19 Di Bawah Seksyen 15(1) Akta Pencegahan dan Pengawalan Penyakit Berjangkit 1988 (Akta 342) daripada hospital kerajaan sebelum dibenarkan kembali semula ke kolej.

iii. Kenderaan waris dibenarkan masuk ke kawasan asrama. Namun waris **DILARANG** masuk ke dalam bangunan asrama. Bagi mencegah penularan wabak COVID-19, waris **TIDAK** digalakkan untuk menggunakan premis kolej seperti surau, kafeteria dan kemudahan yang lain.

6. Apa yang pelajar patut lakukan sekiranya pelajar dan keluarga berada di dalam kawasan yang dikenakan Perintah Kawalan Pergerakan Diperketatkan (PKPD)?

Bagi pelajar dan keluarga yang berada di dalam kawasan yang dikenakan Perintah Kawalan Pergerakan Diperketatkan (PKPD), pelajar **TIDAK DIBENARKAN** untuk keluar daripada kawasan PKPD sepanjang tempoh perintah dikuatkuasakan.

Pelajar perlu memaklumkan kepada pihak KM / KPM berkenaan status PKPD di kawasan tempat tinggal pelajar.

7. Apakah yang perlu dilakukan oleh pelajar sebaik sahaja tiba di KM / KPM?

- i. Pihak KM / KPM akan melaksanakan saringan kesihatan di pintu masuk kolej bagi memastikan hanya pelajar dan pelawat yang sihat sahaja dibenarkan memasuki kolej.
- ii. Pelajar akan diberi tempoh masa **1 jam sahaja** untuk mengemas dan mempersiapkan peralatan dan barang-barang yang akan dibawa pulang ke rumah.
- iii. Pelajar perlu memastikan keadaan bilik dalam kemas, teratur dan bersih sebelum meninggalkan kolej.
- iv. Pelajar perlu mengisi borang yang berkaitan dan diserahkan kepada pihak kolej.
- v. Pelajar perlu mematuhi SOP pemulangan kunci bilik yang ditentukan oleh Penyelia Asrama.
- vi. Pelajar dan waris diminta untuk segera meninggalkan kawasan kolej selepas selesai urusan mengambil barang peribadi.